

〔日本書紀七〕四十年十月癸丑，日本武尊發路之。中日本武尊則從上總轉入陸奧國，時大鏡懸於

王船，從海路，廻於葦浦，橫渡玉浦，至蝦夷境，蝦夷賊首島津神、國津神等屯於竹水門而欲距，然遙視王

船，豫怖其威勢，而心裏知之不可勝，悉捨弓矢，望拜之曰：仰視君容，秀於人倫，若神之乎？欲知姓名，王對

之曰：吾是現人神之子也。於是蝦夷等悉慄，則褰裳披浪，自扶王船而著岸，仍面縛服罪，故免其罪。因以

俘其首帥而令從身也。蝦夷既平，自日高見國還之。中以所俘蝦夷等獻於神宮。五十六年八月，詔

御諸別王曰：汝父彥狹島王，不得向任所而早薨，故汝專領東國，是以御諸別王承天皇命，且欲成父業，

則行治之，早得善政，時蝦夷騷動，即舉兵而擊焉。時蝦夷首帥足振邊、大羽振邊、遠津闇男邊等，叩頭而

來之，頓首受罪，盡獻其地，因以免降者而誅不服，是以東久之無事焉。由其子孫於今有東國。

〔日本書紀十一〕五十五年，蝦夷叛之，遣田道令擊，則為蝦夷所敗，以死于伊寺水門。中是後蝦夷亦襲

之略，人民因以掘田道墓，則有大虵發，瞋目自墓出，以咋蝦夷，悉被虵毒而多死亡，唯一二人得免耳。

〔新撰姓氏錄左京神別〕中臣志斐連

天兒屋根命十一世孫，雷大臣命男，弟子之後也。六世孫意富乃古連，雄略御世，東夷有不臣之民，每人

強力押防朝軍，於是意富乃古連、甲冑五重，跨進敵庭，無勞官軍，一朝夷滅，天皇悅其功績，更加名字，號

暴代連。

〔日本書紀二十〕十年閏二月，蝦夷數千寇於邊境，由是召其魁帥綾糟等。魁帥者大詔曰：惟爾蝦夷者，大

足彥天皇行之世，合殺者斬，應原者赦，今朕遵彼前例，欲誅元惡，於是綾糟等懼然恐懼，乃下泊瀨中

流，面三諸岳，激水而盟曰：臣等蝦夷，自今以後，子子孫孫古語云，生兒用清明心，事奉天闕，臣等若違盟

者，天地諸神及天皇靈，絕滅臣種矣。

〔釋日本紀十三〕蝦夷寇於邊境，天書第十曰：十年，蝦夷率兵數萬寇于陸奧。

〔日本書紀二十三〕九年，是歲蝦夷叛以不朝，即拜大仁上毛野君形名為將軍，令討，還為蝦蝦見敗而走。